山庫全幸

史部

史部

欽定四庫全書

詳校官監察御史臣沈孫種 檢討臣徳生覆勘

校對官中書臣朱 覆校官中書臣朱 **腾銀貢生臣陳昌敬**

炘

鈐

欽定四庫全書 つこう ふんこう 新安志 提要 異己著録初梁蕭幾作新安山水記王為又 作新安記唐亦有歙州圖經及宋大中祥 志皆供泊經方臘之亂新圖經亦隨散失願 中李宗謂撰次州郡圖經領之天下于是舊 臣等謹案新安志十卷宋羅願撰源有爾雅 新安志 史部十 地理類三 新會郡縣 之

金元四届全書 所屬之飲休寧祁門婺源績溪點六縣第六 曹雅採諸書創為稿本而未就 淳熙二年趙 述簡括引據亦極典核于先達皆書其官別 釋亦併在是卷九卷為收守十卷為雜錄叙 明經獻策賜策特奏名武舉皆附之義名仙 卷七卷為先達第八卷為進士題名凡賢良 不悔為州守乃俾原續成之其書第一卷為 郡第二卷為物產貢賦第三卷至五卷為 提.要.

飲定四事全書 史傳所遺趙不悔序稱其博物治開故論載 自以為儒者之書具有微肯不同抄 傳具有始末如汪藻曾為符實郎之類亦多 芽茶細布之類皆史志所未載所列先達 學徵引尤為該備其所志貢物如乾蕷樂臘 甚廣而其序事又自得立言之法願自序亦 於史傳報為有體其物產一門乃願專門之 不愧也程敏政新安文獻志記領所作 新安志 取記簿


記二事以診觀者云云案劉克莊後村詩話 易及至其義類取舍之間疑有大可識者姑 謂舜防欲為秦槍父建祠萬登不可因劾登 舜防墓誌後日鄂州新安志于王黼之害王 以媚槍會舜防以他事忤槍下獄死登乃得 俞秦檜之殺舜防皆畧而不書茍非得虚谷 白之則其蹟泯矣然則是書精博雖 則舜防之死乃欲附槍而反見擠耳願之

不書殆非無意未可遠以為曲筆也乾隆四十六年八月恭校上 總養官紀的陸獨能是孫士毅總養官紀的陸獨能臣孫士毅
据

大とりまないとう

新安志

Ξ



飲定四車全書 四 新安志目録 州郡 沿革 風俗 1新安志 史部十 地理類三都會即縣之

卷二 祠 營 倉 放 廟 坊 户口 郵刑館貢官姓傳機驛院府氏

欧定四事全書 税則	貢賦	貨賄	獸類	水族	藥物	穀栗	物產
新兴志			畜擾	羽族	木果	流站	
1							

叙泉	卷三	臨課	 稅課	上供紙	進貢	秋稅粒米	夏稅物帛	1991人に 日金
		公用	茶課	酒課	供物帛	折帛鋖		

795	diam'r.	and the same	ed at 1 to the same		Per Street Contract	10.00	1 S. St. L. G. S.	TOTAL COLUMN
とこうらんよう 湯	水源	津渡	道路	官廨	酒稅	田畝	鎮寨	沿革
新安志	古跡	山阜	橋梁	鄉里	城社	租桁	户口	縣培
= -		,	7	£	•	1/ 3		

歙 賢室 並觀 縣

新安志 大舒狀元程都太尉

録-孫工部 許長 查賢良 亲 養 夏 奏

改定四草全書	胡待制	凌待制	汪丞相	胡司業	洪尚書	王提刑	先達	卷七
新安志								
	汪少卿	汪内翰	程顯學	黄侍御	胡金部	汪宣德		
<u>5.</u>								

10 m 10 10 5 70 70 70 2 10

the tree to be a second to the second to

卷八 進士題名 賢良方正一人 金尚書 朱吏部 胡殿院 發運使賜第二人 F 盒 明經二人 先君尚書 汪樞密 樂成獻頌並銓試以 進士貢士二百三十四

天足四年大下 新安志	方儲	仙 釋	詹恵明	汪廷美	黄芮	義民	特奏名三十三人	共四人
7.	許宣平			葉氏女	章氏二女		武舉四人	貢士獻策一人

771	D. H. HELPHAN		the transfer of the same	***************************************			
欽定四庫全書		南	唐	梁	宋	吴五人	牧宁
日録志	宣和後見壁者三十六人	南唐一人	ニ十六人	梁十二人	宋十二人	五人	
	三十六人	國朝宣和前二十九	吳楊氏三	陳五人	齊五人	晉三人	
+		前二十九人	人				

 le maña ha al land a				
記以	定紙	雜藝	人事	住录
				*
7	神墨	砚	詩	

欽定四庫全書 又有王為新安記唐有歙州圖經國朝太平與國中 為諸侯王國又丹陽都尉之所理會稽太守之所追 子期之所争丘明之所記也至於漢氏两以疏封骨肉 新安志原序 亥之所步禹之所録也桐內之地為點故境則楚子西 新安在秦漢為點歇二縣漢末別於丹陽以自為郡 班著見至梁蕭幾為新安太守爱其山水始為之記 川風土則己見於中古矣漸江之水出於郭山則章 原新 亭安志

者編 於民間則綱目粗設益訪故老求遺事思解為一書 國典并雜家雜說有及此者稍稍附著後得祥符圖 報且諭屬縣網羅金石之文使得輔成其說而書出矣 失祥符所頒特抄取計簿益之以里魁亭父之所隱實 編廣記往往擴取之至大中祥符中頒李宗詩所修 果就會邦君趙侯聞之勉使卒業約敕諸曹遇咨輒 經於天下則由前諸書廢不顯而官府項罹睦兔又 以為冊餘五六十年矣私竊悼之問因閱前史及

欽定四庫全書 與三墳五典偕號為帝王遺書而禹貢職方氏孔子定 寡是皆有微旨必使涉於學者篡之自上世九州之志 戒也其録丁口頃畝非以覽當厚也務察息耗母繇係 至於州土沿革吏治得失風俗之熾惡與其人材之衆 也其書賦貢物產非以給嗜欲也務裁潤限同民利也 次之矣其施於事也亦然若直據令甲以為治則 以為經若直抄取計簿以為書則凡吏之善書者足 所為記山川道里者非以示廣遠也務知險易不忘 京新年安志

侯帝室之骨父子民季皆以文學取第其為政廉靖不 悔 有不可忘者矣淳熙二年三月癸未郡人羅願序 儒亦卒不可廢於世也豈特此哉凡十卷名曰新安志 告將承之此州而吏以圖經先至見其疎略即有 之母害者足以聽之矣盖世常以此為無事乎儒而 人亦相與安之且去猶倦倦於吾土思欲表章之 '則遗闕而不備讀者恨馬此新安志所以作也不 郡自漢始至於今久矣圖經紀述其事宜詳也試

欽定四庫全書 物冷開故論載甚廣而其敘事又自得立言之法讀者 無遺者嗚呼可謂盛也羅君以儒學早馳爲聲惟其博 狭以至州土吏治風俗人材皆條理錯綜聚見此書曾 於此者訪拾編摩蒐取附益用心勤且舊矣僕為驚喜 於補次一日對眾客語之客言新章責俸羅君盖志存 凡 上下千載問博采詳嫉論正得失皆有據依釐為十卷 因請之卒業成一家書以表見於時於是新安志出馬 山川道里之險易丁口項畝之息耗賦貢物產之間 京新安志

	必能な
	必能辨之趙不悔序
	不悔序

客於此三年薨無子地入於漢平帝元始二年復以為 成帝鴻嘉二年以點為廣德王國立中山憲王弟孫雲 漢武帝元封二年改鄣郡曰丹陽而使都尉分治于歙 とこうらんこう 吳吳上屬越越滅屬楚春升天下置點銀二縣屬郭郡 徽州新安郡軍事禹貢職方氏揚州之南境春秋時屬 欽定四庫全書 新安志卷一 州郡沿革 新安志 宋 羅願 撰

陽置以為新都郡其後避嗣主孫休諱改休陽為海 **股赤為公明年廢而改點曰想鹵光武中與復為點** 晉武帝太康元年平吳以點之廣德故國為廣德縣隷 分銀為始新新足黎陽休陽并縣銀為六縣遂割於丹 廣德王國立廣川惠王曾孫倫為王傳子赤王莽篡位 然蘇 建安十三年吳主孫權遣威武中郎將賀齊定縣欽 质 無水 之天 者則是志 乃廣吳稱 顯德所廣 課在 立德 吕沈 矣 蒙約 領以 廣德長漢 英志

金好四月至書

寧郡及黎陽縣而新安復屬東揚州年省新寧郡按 文との巨人子 州則三年初未嘗省要是陳省之耳 隋開皇九年 置黎陽合四縣立新寧郡與新安並正屬揚州陳省新 州自後或併或分梁元帝承聖中分海寧縣銀三縣更 元年分揚州之會**結東陽新安永嘉臨海五郡為東揚** 縣自秦漢郭丹陽及吳新都晉新安皆隸楊州宋孝建 領縣五梁武帝普通三年割吳郡之壽昌来屬復為六 安改新定縣曰遂安宋大明八年省黎陽併入海黨

寧中治歙武徳元年例改郡為州太守為刺史四年越 **淳安遊安是也大業初復以飲州為新安郡治休寧義** 復立遂安以隸睦州於是二縣故地迄今不復今嚴 點銀海寧三縣而州治點仁壽三年取簽州之新安并 郡壽昌未屬者皆入新安縣以隷婺州於是縣之存 郡為歙州改始新縣日新安縣又併遂安及梁所割吳 公納教於是因其境土以歙州為總管府使持節總 **歌宣杭睦婺饒等六州諸軍事未幾改命王雄誕為**

金好四月在書

次已四事全告 · 年九月升上州自罷督府後或隸楊潤二州或屬浙 野歸德二縣至大歷五年省於是州復統六縣元和六 州旌徳冠王萬敵平析歙之古華陽鎮置績溪縣而北 平方清因其壘析點及饒州之浮梁置祁門縣又以宣 正月九日析休寧置婺源縣永嘉元年盗方清陷州州 罷都督府永徽五年析歙縣置北野縣開元二十八年 使總管數睦衢三州七年二月例改都督府貞觀元年 民拒賊保休寧之山險二年賊平因析置歸德縣又以 新安志

漢地理志吳地斗分野也專地牽牛麥女之分野也而 唐亡吳楊氏南唐李氏相繼有之皇朝開寶八年下江 禹貢淮海維揚州周禮東南曰揚州而不言所直之 和三年五月二十四日韶改銀州為徽州 以楊氏承制拜欽婆衛睦四州都團練觀察處置等使 南於是始復得共職貢於天子隸江南東路為望官 江西道即度及宣歙觀察團練使天祐二年刺史陶雅

金女口及と言

交色日草 白虞夏以州論風土漢用戰國時封域大者兼星以三 紀丑南斗十六度 屬天 度至婆女七度於次為星紀於辰在五故此都為 文志丹陽郡入斗十六度會稽郡入牛一度按古 家縣地與會籍之富春接是斗牛之交也自南斗 陽等郡盡吳分也郡在漢為丹陽都尉治正當 揚文 州志 風俗 然揚州 地江 质故将取地理湖库牛婺女楊 新安志 志州 丹此郡鄉 かなお 香書

陸以為他郡益匯易治然其人自告特多以材力保捍 不染他俗勤於山伐能寒暑惡衣食女子正潔不淫 於此後或去或留俗益慾文雅宋興則名臣輩出其山 二數連春漢二十餘郡地廣則論其略後世郡隱則俗 放廉屬水悍潔其人多為御史諫官者山限環陽民 土為稱其後沒有文士黃巢之亂中原衣冠避地保 都尉分治於此逮為郡之後吏治益詳又稍割其三 别新安故秦二縣在山谷問地廣遠自漢世常使

金女口人人

儉績溪俗有二由微嶺以南壤齊賦重而民貧其北環 傃吉嚮休寧俗亟多學者山出美材嚴聯為桴下淛河 次足口事全等 智 比年多徙舒池無為界中敏為負那縣其民之弊好委 女以其故或預自蓄藏始泰點地廣今更為小縣俗淳 往者多取當女子始生則為植機比嫁斬賣以供百用 錐饑歲不營妻子山谷民衣冠至百年不變自唐末賦 人事泥葬隴卜室至擇吉嚴市并列屋猶稍哆其門以 不屬天子縣增之民則益貧然力作重遷猶衛於他郡 新安忘

樂之其後里中社朝以酒內饋長吏下及佐史至今五 至熏浴齊潔以飼之此其大凡也賢則察之以施化 水入於都民以若漆紙木行江西仰其米自給俗重聽 疆則民俗近之前世賢吏多表其民之良以為勸祁門 六十年費益廣更以為病婆源阻五衛其趨都陽徑易 子益多而貴分始少蘇公商為令與民相從為社民甚 唐末常使總浮祭德與諸縣鹽權且專其兵與都通封 沃賦平人有餘則柔循然愚民嗜儲積至不欲多男恐

金タルルと言

也憲王孫無封利鄉者紀脫一弟字耳廣德静王倫平然憲王弟孫懷王從父弟子表傳所言是廣德静王倫平然憲王為弟康之親雲客是憲王孫按雲客之祖孝侯安紹封獨成帝紀載雲客是憲王孫按雲客之祖孝侯安尉為廣德夷王諸侯王表云雲客以懷王從父弟子以點為廣德夷王國立雲客為王立三年薨諡夷王無子中山自靖王五傳絕四十五歲成帝鴻嘉三年六月乃中山自靖王五傳絕四十五歲成帝鴻嘉三年六月乃 則拂之更歸咎於俗 是可臣 Ail 廣德夷王雲客孝景皇帝八世孫別自中山靖王 封建 新紀子 遂是王立 於意表憲 帝平乃安子是 Ż

癫紀 侯徳 非廣 按漢 竓 王王 顏王 緒德 諸為 故 、廣徳 侯廣 四 表王 師子 中王 傳 山偷王平 乃子 嗣 古侯 自表王 國立 國除 世 言侯 曰表 年 猻 廣麂 倫表 音中 倫 者 漢無 以亦 别 愈山 為 戴言 自 至後 諸靖 五歳 王倫 孫系王平 侯王 侯絕养帝 王伊港 子足 71] 位 恵 平帝 惠 貶 者故時復 紹襄 表皆 為 二封桥立 £ 封隄 £ 又作 十考在偷 四 亦侯 越 公 作倫 明 年 餘之安為 始 當聖 弟景 偷獨 竏 人廣得廣 脫之 襄十 今廣 年 一子 促三好川 不川|遷徳 第而侯王 從惠 應惠 言王 稱中 字諸 取王虎奉 四 子傅 紀王 雲山 月 廣 衛立 表傳 無靖 客晴 為戴 弟王 攂 丁 作 後王 此後廣傳 酉 旬 廣王

次足口戶 在 齊新安王海陵恭王當為之以永明十一年十一月辛 為立寺以新安為號 諸子朝士為上眄遇者莫不入子驚府國商貴妃薨帝 新安王延年文帝曾孫泰始二年十一月壬辰封紹子 宋新安王子鸞字孝羽孝武皇帝第八子大明四年九 明之 月目寒陽改封食邑二千户母商淑儀有龍子驚急 (之) (余廣) 川 新安志

極數而能 金牙口尼白書 至尚書左僕射太宗嘗宴侍臣記一坐最貴者先把 亥封邑二十户 陳新安王伯國字年之文亦第五子天嘉五年八月己 子之子隋朝皇后之弟唐朝宰相天子親家翁下 長孫房公相顧未言玛遽引盃上問之對曰臣梁朝 梁新安王瑀字時文明帝子也九歲而封後入隋歷唐 **封**水紀云封 不言都盖行文 装

次足可量 写 於此餘或采美名以為號不皆之國然漢魏以下王不 右十一王皆以天子骨肉疏封唯漢廣德兩王實建國 新安郡王洙憲宗皇帝之孫絳王悟之長子太和八年 月封官太僕卿 新安郡王佟玄宗皇帝之孫信王廷之長子 新安郡王前代宗皇帝之孫嘉王運之子正元四年四 一新安郡王徽太宗皇帝之孫濮恭王泰之子 一月封 新安志

靈運王義之為會稽臨川內史南朝亦往往有新安內 金安正正石 **贖至唇顏王子彈封歙國公分州刺史王詮封歙縣男** 之國朝廷命御大夫臨郡則稱內史行郡事故東晉謝 以武三思之子崇烈為新安王皆假竊名器不足汙簡 之類盖自鄶以下者微不復道也 是郡猶為國而內史特代王為治名號猶係於其民 故采而列之偽楚亦常以桓冲之子謙唐武氏亦常

欽定四車全書 1 北二百八十二里 都也然在唇猶號大州凡東西廣長四百一十九里南 十縣今所存者唐銀州新安郡之境而已非復漢之 在今者為點為祁門為廣德軍之廣德為建平凡三郡 寧為績溪為婺源為嚴州之淳安為遂安古點縣地之 廣大後又稍稍割之盖古歙縣地之在今者為歙為休 源曰績溪曰點始漢末以古點銀二縣分為新都郡地 郡境在京師之東南統縣六日 銀日休寧日祁門日婺 长新安志

耿縣鳥 漢建安中置新 使者遷其城於溪北三里民 其後為割 治 所 不尉鄉始 聊 山唐 即新 所誤始都 及 在电新尉 同徐閎中 大 隷婆睦於是 國 都郡立府於始新 縣於 朝 華鋷 因之宣和三年 之 華 遷治体寧萬歲山義寧 作 葉鄉 不以為便 而令 歙 賀賀 齊內 41 始 睦兔方臘 治 事聞會除 新城地形 都後 都移 既 尉出 經道 言新注元

苦民以其故不願舊城據山下平原大勢端正周七里 占其半峻峭峻仄不可以建居止餘皆荒草砂礫之地 載卸者弗便瀕潤卑濕為壘善弱截山圍築外高內庫 夏秋山水暴出灌注城内雨雪則停潦為泥鹽米斷絕 **瞰臨城中又無湯聖不足以為固內之則頑石岡雕虚** 正周四里有餘北皆重山緩能為三門距溪數里茶鹽 三十步左有長溪春冬水面二十大夏秋潤一里許湍 又頹石不可為井土井六七味惡易濁汲溪則人以為

欽定四軍全書 四

长新安志

臨深溪繞城東北不可踰越市皆覺發民居寬廣井 且千所向特以城壁不全故不能守今若因故基修 足為險固以此民情願還得古以舊城為州以新城 城壁之設因山谿以為險山起於東北至南而止故因 無且令以漸修築而新城亦卒不為縣今民問猶 百尺循城西南而下便於載卸其右則倚山為城 州宗原城舊州畢明年八月與士民復歸于舊 城 社

南唐及國朝無所考宣和中既平睦冠詔盧公修築乃 五年增廣城之南北總之為九里七步咸通六年即城 故假之以為隍乃穿九井使陰相灌輸上通銅井下通 三尺五寸唐大中九年修子城中和三年又修羅城至 釜底皆谿流之深為潭者也其外羅城周四里二步高 而續之以為城谿亦源於東北抱城而轉至西南而 一丈二尺子城周一里四十二步高一丈八尺廣一丈 西北為隄以禦水光化中因隄菜為城命回新城自

次日日月八六ラ 国

新安志

金火で 常穿州治之東雨 樓面勢雄正其外為宣詔班春之亭先是熊樓在東故 在今僅號七里三十步乃啓六門東西則一南北各 計其工費間於朝為 以敵樓不復為子城而於儀門外直南數十百步為熊 有富州豐樂表城紫陽通濟太平之名門皆有模又環 為門號迎和門五年春三月城既記役奏乞令知道 以出既南作新熊乃以舊熊基在 羅城如唐中和五年之

子登第者眾乃遷 因隄而築號新城者隄既益推過谿水溢時萬於平 百餘言以戒後之人使母忘逸難壞則修之其光化 二三文故常捐之以為桑野今號新城園紹與二十 とりしたいかう 災市人以為承平時熊門東出則城中列肆不耗 /屬功於朝改轉各有差又往往即大 而州則恢度東南熊樓既具費及今趙侯成之而城 不用乾道八年夏五月前趙侯集六縣各新治城 州榜及鼓角於迎和樓而虚南 新安志 八瓶隐起 兰 向旗

满以射西方號簡將軍如是古矣按随將軍名亮欽縣 超京之軌道出東門指續溪山寧國縣入其府濟黃少 斯人者故歷唐以来設之不廢社在城之南隅 大業之亂此其人必當級帶登陴以弓矢靖難有功於 為新安鎮以亮為將主之盖前則接平陳之役後則接 樓在西者其旁為一丈夫嶷立金花帽錦袍持弓矢引 金岁世月百十 人隋開皇九年平陳併點銀入海寧以隸婺州廢歙州 道路

次足四事全書 图 廬州又歷下塘廟史源村凡二百五十里至壽州又自 十五里得無為軍之廬江縣又百四十五里白航步 村凡百九十里得學國府之太平縣歷黃柏嶺自店月 城南京之穀熟入南京過寧陵拱州以達于雅邱陳留 来安四州及其縣臨淮自虹靈壁以入于宿取毫之永 至京門為二千六十五里提則北出踰箬衛望道泰麻 入太平州渡采石江歷和州及其縣全椒滁州及其縣 百里得池州之大通鎮過江歷蔡家店石鼻村百三 新安志

淳安至嚴州歷桐廬富陽過浙江入臨安府又經崇德 平縣凡百九十里以入于京門為千六百里此其道 至秀州經吳江至平江府經無錫至常州經丹陽至鎮 十里以入為毫之鹿邑縣又七十里則太康縣矣經咸 一 彩勝二百石沿新安江而下百二十里以出於境由 過揚子江至揚州高郵軍經寶應至楚州歷淮陰 不過都歷色者商旅之所以為徑易也舟行自西門 村閥潭村王家市賢祥村金鉤鎮雙樓市凡四百二

Ź

歌足四重全等 一 靈壁三縣至宿州歷水城穀熟至于南京經寧陵至拱 臨安餘抗為三百六十里其四出八達之道東出百里 十五里至池州東南出百里至于境又二百四十里至 至于境又三百三十里至饒州南出百里至于境又二 至于境又二百二十五里至寧國府西出二百七十里 行在所者舟行六百三十里陸行則南出歷昌化於潛 州以達于雅邱陳留入京門為三千九十二里今兹趨 百六十里至臨安府北出七十五里至于境又二百八 新安志

七十里至于境又七百五十里至 剛州 **隋欽州統縣三户六十一百五十四唐舊領縣三户六** 吳新都郡不載户口之數晉新安郡統縣六戶五千 廣德軍西南百五里至于境又二百五十五里至嚴州 統縣五户一萬二千五十八口三萬六千六百五十 千二十一口二萬六千六百一十七天寶領縣五戶 北百里至于境又四百六十五里至池州西北二百 闕

客之數各附其縣中元豐中主戶十萬三十一百一十 禧中主户十二萬一千一百五口十八萬三千五百二 冬十月丁亥分宣欽饒户口於秋浦縣置池州國朝天 欠日日日白 六客户二千八百二十八未經界户十六萬一千一百 四十七額不的知何年 經界户九萬七千二百四十 八乾道八年諸縣主户十一萬二十五百九十五客戶 八客户六千九十八口八千七百六十四其每縣主 千三百二十口二十六萬九千一百九永泰元年 新安志 十五一

為十二萬二千一十四然自元豐以後不言口數要 七十四百 縣氏去為僧尼者千有二人為道士者四十六 郡境土較之狹於晉宋五之二以户口率之多於前 外户六百五十口三十二百八十 城中者载道户千二百八十 勝計有以見國家世世仁厚涵養生齒之 合以城内外户一千九百三十 口六千八百五 /效其

金好四月百十

書御史諫忠見風俗通今望出飲郡 とこうられたう 證云耳按汪芒氏之裔在周為長秋與常人不類獨祖 齊師聖人稱之唐歐州刺史汪華居新安故望出新安 諫氏元和姓篡云周禮有司諫子孫以官為氏漢有治 今縣銀之人十姓九汪皆華後也陳稷州刺史汪綱陳 汪氏古諸侯汪芒氏之裔春秋時魯有汪錡以童子死 余氏風俗通曰戎人由余之後世居歙州新安及下邳 自歙州徒河間故又有河間汪氏右衛名世姓氏辨 新安志

查氏顯於文徽為南唐極密使至國朝秘監陶待 有此姓 多好四母全書 望出河東及新安 矣站著其說以待知者 **轟氏元和姓纂曰衛大夫食采於聶因以為氏辨證** 仰氏五代有仰仁詮為刺史十姓編云今新安吳與皆 世汪綱自歙州徒河問則是由陳以上固有居新安者 汪錡者近是然都名世以為汪王所居新安而又言陳 **发**.

皆其孫也本音如乘槎之槎鋤如真宗當與道語及好 其兄子也凡海陵荆南之查皆出新安姓氏之書又往 南廣覽好文自言其上世事如此隆興中侍郎郭喬乃 求音之近而雅者稱之又問姓所起引春秋會吳于祖 在載召氏俞氏皆郡之先賢然不言望出此郡又自昔 氏因謂之曰卿豈不聞京師以仵作行人為樣家乎宜 (亂中原衣冠多避地来此如謝諫議泌晉太傅二十 加以對自是改稱音若祖云查氏有孫藻仲文在荆 所安島

郵定四庫全書 羅所騎每求鹽米晨出夕還人無知者時人號為潛氏 七世孫魏太尉羽去鄭公十世許司封巡去睢陽太守 五世皆自見其事中不列於此 問政曰增明曰和福曰司晨曰通濟曰育材曰安集部 坊舊十有二曰宣化曰望偬曰紫陽曰與仁曰化成曰 潛氏點有潛氏村昔有人避地家石洞中門徑悉為松 迄今潛姓者數十家同為一村 坊市

義之屬今往往有存者 餘賓次吏舍如他州之儀皆宣和中盧徽猷所建其堂 **ストアリーニ** 亭在熊樓之南設廳之右為小廳小廳之前為簽廳自 為左右在儀門之南又南則舊熊樓在馬宣韶班春二 甲仗庫在西廂之樓儀門在其南軍資庫公使酒庫分 道中尚書郎錢侯數因民刲肝股為增立坊曰孝 州衙在子城之西北正南曰設廳防守庫在東廂之 官府 祈安志

堂以郡出文房四物為義 賢之意號含盖堂而自唐大中以来有黄山樓北望天 堂為不利避弗居至丞相洪公乃敞之以御賓客致尊 都諸拳國朝咸平中集賢李學士復踞城西北隅建清 心問宣和後皆以次起廢而黄山樓亦踞城為之號黄 山堂堂側有兩古木洪公常作亭其間號浮丘今錐廢 房之外有紫翠樓有靜治燕香之堂先是累數守以正 猶指其處又改後國雙杏堂曰芙蓉堂舊别有四寶 卷 { 一 ! 次足四重全等 添差兵馬都監一員廳在通濟坊 兵馬都監一員廳在司晨坊教場之側 安定先生皆曾来為此官廳在州衙東舊有棣華堂官 和中吳郡李彌綸兄弟繼踵故名 軍事判官一員咸平中魯肅簡公害為之廳在紫陽坊 州學教授一員廳在州學之南 判軍州事一 事推官一員廳在判官廳之側 員諸州置通判自建隆四年始陳恭公 新安志 1

1分りでたんごう 兵馬監押一員廳在孝義坊 府郭青齊杭越蘇婺宿壽宣銀處洪吉潭廣福建等州 在州院之側 令人充其料錢數多資序不該請者並支錢十五千 録事參軍係繁難去處今後並差職官知縣及奏舉縣 録事參軍一員熙寧三年十一月十九日詔陝府江寧 建隆中改馬步院為司器置參軍以及第進士九經 理参軍一員五代時諸州馬步院判官特以牙校充

を日の長いふう 一 德三年曾修之嘉枯四年以山高地於不足容泉徒於 先聖廟及學自唐至國朝在城之東北隅太平與國三 監在城酒稅一員僦居無定處 司戸參軍一員廳在和福坊 司法參軍一員廳在慈孝坊 五經并在銓選人為之其後改曰司理廳在本院之側 知州蘇補閥遷羅城東門之內街之南馬即山上景 廟學 新安志

宣和中焚于睦恐紹與十 遷鳥即元祐初再徙南園紹聖二年黄朝散還之於東 南國照寧四年又以南園瀕江地卑常有泛溢之患復 者曰殖齊愁齊益齊裕齊疑齊定齊覺齊浩齊紹與中 右學規制雄麗愈於他都中設知新堂闢八齊以處學 經孟子樂毅論羊枯傳并法帖御製文宣王贊七十 偶米禮部带為書所為記世所傳飲州新學記是也 ·御書周易尚書毛詩周官中庸春秋左氏傳論語孝 一年汪內相始復營建左廟

金安世四石

.....

貢院自宣和後不復設遇歲大比則毀學之齊壁以納 子赞损癖記凡四十八卷 貢院

長廊廣風使士各以其藝别為位最後則堂以處較執 者目是學舍無毀撒之患士得去此監盡思於為文且 東故附地增買民地六百二十餘丈為屋東西八十間 之坐講堂及廟兩無皆滿乾道四年郟侯規大成殿之

飲产四事全書 **阿**

以稱登能天府之意餘所買地頗當廟學前者皆虚之

並禁採捕紹與十三年詔天下郡各為池而歲以誕 國朝因唐之制天禧元年部淮南江浙荆湖舊放生池 又盡撒學前小屋直南而出以達于達氣象宏敞是 日縱魚鼈其中以網各入者論如盗於是郡鑿城西壖 廢者悉興之元無池處沿江淮州軍近城上下各五里 三人者士子宜之 以試進士明年登第者十人有為禮部第一御試第 放生池

北行衙在司晨坊 轉運南行衙在慈孝坊 生魚樂之亭後十數年屋為溪添湯去尚書即錢侯復 欽定四庫全書 之地而臨溪流以放生如天禧故事 賴乾道八年秘問趙侯徒堂於其右百步篁竹中九與 新其堂而池當春夏往往與溪涯冬月水泉縮魚無所 以應韶至十八年尚書郎音 館驛 **总新一安志** 主

酷庫在城東門外 15 有 15 公使庫在州治小廳前 酒稅務在市心面南常平倉在州倉之側 州倉在孝義坊 倉庫 刑] 獄 場之属 介倉 宁草 無場 有档

欠こりらいよう 點勘句奏禁状不診者具奏降詔從之 州院在司晨坊面東司理院在司晨坊面西大中祥 新舊字城營各一个所管廂禁軍凡六指揮禁軍威果 祥符中有駐泊營屯駐營各二水軍營騎射保節營及 州司司理院互有狱空不應編勃之文自今乞委刑部 二年五月餘銀二州奏獄空將降韶獎諭銀臺司以為 日在城東北隅額管四百一十人忠節在西南隅額三 營集 新安志

在 教閱忠節軍大州五百小州三百人其額在舊忠即之 百一十人武雄亦在東北隅二百五十七人相軍效勇 詔 一東北隅一 淮南江東東西荆湖南北路諸州軍新立就糧禁 西南隅百人其起置不可盡考按皇祐五年閏七月 新忠節之上則忠節之制久矣嘉祐四年五月記 諸師府新招禁軍以威果為額請受如宣毅例 个得過四百人諸州置威果當沿此而始熙宣 一百五十人牢城在西北隅百五十人壯

金好四月在言

深渡寨在歙縣南四十五里中平寨在婺源縣東七 之盖其可考者如此其外五寒管界寒在銀縣西百 年正月極密院檢會近令淮南江南两浙福建等路 定人數自三百人至百人仍改軍額內江南曰武雄 十步王千寨在歙縣東南百里黄山寨在歙縣北百里 厢軍團結教閥武藝欲支與威邊請受以州軍小大立 每寒百人皆以巡檢主之凡禁軍九百七十七人 四百寒兵五百總之為千八百七十七

欠三可良 こう

新安志

孟

多分四月在重 代之六縣省遞三十五鋪每鋪十人銀休寧祁門點則 勇俠聞大業之亂以土豪應郡緣平婺源逸有功尋為 架所推保據郡境時四方割據建號者架乃稍以兵 新安之神諱華姓汪氏績溪人隋將寶數之從子少以 又有斥堠三十八鋪每鋪八人凡六百五十四人 五代以来天下郵傅皆役平民建隆二年始命以軍 郵傅 祠廟 卷一

欧定四重全書 參掌禁兵十七年改忠武將軍行右積福府折衛都尉 饒等六州諸軍事欽州刺史上柱國封越國公食邑三 旁郡并有宣杭睦婺饒五州带中十萬建號吳王為政 **默誠宜從褒寵授以方牧可使持節總管銀宣杭睦婺** 因離亂保據州鄉鎮静一隅以侍寧晏識機慕化遠送 以籍土地兵民遣使納数于唐高祖嘉之制曰汪县住 千户七年朝于京師貞觀二年授左衛白渠府統軍事 明信遠近爱慕部內賴以安全凡十餘年唐武德四年 新安志

國 太宗征遠東為九官留守比還稱其忠勤二十二年 力口 八思慕立祠於刺史宅西偏大歷中選手烏即山號 公汪王神自唐刺史薛邕范傅正相繼增罪他縣亦 處有祠及國朝東封秩羣祀郡人方演知州事上唐 顯七年十二月封英濟王宣和四年以陰相平 賜語命為奏請追封靈恵公政和四年三月賜廟號 三日薨于長安永徽中歸葬散縣北七里雲郎山郡 年閏十一月以能禦災馬加信順乾

:

白ケロ

Z

欧足四重全对 故李 是戰 雄服 傳新 四 衞 為明 興 年三月進封信 图百 王之疑以 及唐 十年 朝藥 自後戰貨 王書 將 州 是治 雄本 賜顏 知始 都督府法 賜 廟師天歸 時通 誕紀 軍 廟 額古 命唐 王鑑 傅王 九 號 久所非也與考乃以忠子作戰按伏之載武 雕 Z 曹賜封忠恵侯琛費州 肋 並可而唐 威王王德 女 顯靈英濟廣恵王夫人錢氏唐 新安志 乾道 乾 稱以後告皆九與四 心考 服稱 已月 雄年 道 九年 云信 明其受歸延九 五 年六 王美識唐唐戰月 有 今機 命十 正月咸賜侯爵建 覽甲 月 唐慕戰一 者子 子舊 追 告化自月因歸 封靈惠夫 見遠其自 以唐 主 稱 涪 存送私與 為而 [ار 具数 忿伏 先杜 郎 解誠 非成戰伏 君 則則因將後威

岱岳廟後有城隍廟城隍在唐世州縣往往有之李陽 忠德侯後鄭王府參軍封忠祐侯而忠顯廟之前則有 封忠澤侯達薛王府户曹封忠仁侯爽岐王府法曹封 忠利候達以征荷魯龜兹高昌功爵上柱國襲封越 以為合於禮之八蜡祭坊於水庸者是亦近矣鳥即東 公封忠應侯廣遜皆左衛勲府飛騎尉廣封忠濟侯遜 以為祀典所無吳越則有至開成中睦州刺史吕述 有靈順廟其神五人皆封公事見婺源縣卷中 國

五女山

上とこれ

近 歲民間又祀多惠廟本出於信州傅云神石敬 當二 高高世時王宗 售山為震鳴故 偏名宗宗充諱威諱 講禮以初李諸望去 也不負即世王素上 後偏觀位動二隆字 改計時有 皆名然按 氢民上|不司|無而|王初 信 部既諱請所預以封 州人 與單先改省為稱告 祀 命名帝官世之孤在

金 女四 美周之支|姓齊| 商為| 秋添| 氏 | 實反| 當葉 兄之汪子|所難|所汪|於姓|族 |二為貞等 九之汪丁所難 所汪於姓族 二為 页等 一為 五等 人特食 起為 居氏春守之 名避 觀字全 工 出来 亦聖 即國 秋封 書姓 既哉 時及 書 人皆|於於|先人|中在|時嶋|皆氏|貴然|為世 各長今汪本所國西為之以 自今人動 適大里因汪褒 違海大山汪 欲相 主之 一號中氏問故|遠外|人者|姓 從傅則為 國十所馬又內而然又在出 省云不動卷 以倍傳汪|採翰|哀則海虞|汪 |要王|許皆| . 死傷故問或汪公汪外夏問 不有而在 其麂内之就公時周西商氏 為二在高 適氏翰汪云誌魯其山為亦 唐弟武宗 鲁在两见汪其乃氏經汪曰 謀世 德時 者春存於姬宗有而有四汪 設英時許 日秋之件姓人汪汪汪氏芒 也世緣親 衛間竊記也司 舒野野於孔 崇為之 |如盖|雲而|魯城|者其|李周|子 或落典 魯智以姬成墓以國善為所 口王安 |之至||汪姓||公推||死也||以長||謂 初人有

又後始安|云亂行 |言傳|由義國世|謂亞| 有也居得龍避状 也譜此亦之其汪卿 河又新有暖地稱 自觀引汪質問以 周云安此 將家 漢州 成之蘇而尚之名 汪陳|故官|軍於|建望 公|謂氏|遠當|後其 氏稷望也 晋新安 以汪云桥與者子 按州出近 武安 二 下氏國封常何而 綱刺新世帝文年 有為語唱人從太 所之史安臨 始和 龍 也由江今川 以之 驟 一諸稱之其而史 世侯大長孔容又 新綱 黙鄧 王名 將 某之人狄子於志 安陳歌名溶他軍 二裔者大之恩其 徙亡之世 居書文 世似屏人答乎戲 既自人作之無和 果 稍居以吳 藉以 云 近夷為客令為 在銀十姓然所為 陳州姓氏則見會 者人状證何在具 己時徒 九辨 自沈 格 仍情不耶至魯也 則河汪證溶約令 其至在 春近 已然 汪間 皆言 之宋 因 售俗中秋拾傅則 氏故 王王 前書世 而所國正本數所

照在人於不據|考為|暇王|土雨|至之|王矣| 叙亦之唐為郡 務整决事 此龍乃豈 等直中新也以 欲潔擇出 略驟隋得 五可此書 方守 每至 然於 而則將言 不荒雪自卷 州忍非本隋夫事王其故 有我小紀亡以貶師本老 言遠 撒王 农史弱之時數 損正末所 若就 之始 一之也首議十如刑猶傳 以王族平 萬所功者起人言略得凡 新為子太 則書濟四之守兵太以有 安說或平 與雖六十將一則甚 粗初 之則謂與 行略州有不列云師見起 族簡陳國 状然之八可郡|得正|永假| 由随隋中 ラ |及資||民人||勝而||數他||議奇| 王俱以有 江治|而王|數遽|千郡|汪怪| 而未上為 傅通心之其建人人公以 望適 始王

一為|乃逮|者自|所正|夫獻|盖欽|場云|王類| 年其言王郡昔 之以之皆外之五特矣 州故王之之屢 云 銃數 當復設州以唐 治處初起形遷 者兵客有有一獨一之 新點按起復勝今 截而有之五彼有州命 志大今時屯自治 數罷 不州一未內王 業績以其漢銀 至歸可致此合附以 中溪箭上建縣 一者掩略在者唐六 為雖所後安烏 萬通也其當蓋何州 則鑑至文時通所盖 郡有下因之聊 治故處遷亂山 餘及於與存鑑利因 休城 立治縣之 卒新兵較者特 復其 **克寧而城其人西** 固書之其五載割所 義圖指旁毛則 不又多實州於他有 軍經 績云 甘寶 止言寡則欺歸郡就 中載溪而以始 此王|則所|抑附|附界

表之 海銀縣之 漢當是草 証書受子書白一享粗終新願 表溪治 以皆唐書本也成其定出者當 |天在||命降||紀今|問祚||開於||不以| 于四反至 不武 關而 真靖 惟王 納 之年更列著德自没王民能廟 敦 創為し 營耶學 命因追傳歸告記食而故出食 来指書杜唐命於其遂天雲此 壘山 ·討為稱伏月具/唐土|歸下|雨邦| 其義 力一王威日存者以之方 禦勒 後窜卷 |前事|時遭|新所||乃能|事亂|炎五| 卒所 |勃竟||事王||紀以||王悠||合則||厲百| 遷治 壓王遂雄 雖褒 之久天以亦年 今非 至有使起於表大然心身由而 治王 是固學来武者即則為蔽其民 雨轨 始累者代德其本不天六起爱 此始 |降嚴| 徒又|四語| 震闘| 所州| 不敬 王之 雨而見不年明不一相之失之 所其 則伏紀著 九甚可民是人正久 規城 與處博具月而以不以及道而 書於 告雄 所已甲舊不煩生其始愈 改績

K この見へいう 能管|以實|於淮|竊使|必意|一通|拜日|以命 全銀雄左伏陰議問思伐月鑑皆也此所 制 腱 誕右 威擊 疾道 以之 則王 不告 年謂 東衛既之雖已王越忠嗣是遣出命然遠 南三戰吾出降歸伏自是歸使九以王送 ■来州之為於之唐威列時 唐歸 月此送泉 者疑後唐不類之之耻伏之唐中月唐誠 斯若|唐行|得初|事境|因威|後載|而二|欵者 劉受右|室臺|已不|不以|之之|已於|雄十|實豈 彭之雄以屈然害出歸以於受九誕二先不 爾延其爾被王於之成唐封月之日之相 王者|前肯|方之|已天|事未|拜而|来下|所戾 既不後遽以先因子故為而雄乃則謂称 以知功出行識襲意籍純伏誕在歌九盖 六唐亦其臺也之伏其臣 威来是也月雄 州於除下自若以威土王雄伐冬至甲誕 自此敏哉名夫為之地之誕别謹唐子来 歸時|州說|而王|巴黨|兵歸|自載||按與|者代| 則亦總者雄之功相民唐以於資其月雖 因未管又誕屈此與遣也私十治封九亦

為將改將 福及福王 稱 嘉觀 初為 不以 加軍統軍盖親府入 忠其之高之得六日居者軍以五煎折唐 始節間祖遣而州月其與為掌十胡衛除官不而典以代却界 有冠|折府|府五|都左|開若|深宿|大邪|也王| 職軍衛衛之府尉衛 此信衛國故此建學 事雲都七列及及白 之其者重未正伏 則摩,尉年|也武|九渠|明|心二|使幾|淮威 高等|然改|始安|官府| 也|何十|見遊|陰自|巻 者儿則為武武留統 不以年處朝之以 為十統統德成一字軍 考及太與于事行 守將軍軍初等按及 此此宗其京也喜 卑軍 及後 依五六忠 而告遠一師豈而 |者謂||折又|開十|典武| 云命伐時當天龍 為之|衝採|皇府|左將 云所委 獲武子王 行散 一隋 舊所 右軍 直表之 崇考亦為 不與党之王欲已 此號官打名謂衛行 |於將|也衝| 置白|有右| 誤漢鑰 語歸見功 我甲非 及附王唐 官軍忠之縣渠諸衛 带以武名騎積曹積 令風貞之而亦

了一而位其入 諸有 德里 左為 家行 亦 品行 主 既 姓朝 朝配 五而 右隋 世状 琛下字 |之大||八之||天偶||年聘||則所||雖及| 衛|故者| 之大八之天偶年聘則所雖及 衛故者 嗣出以己嘉丞三王|氏没|來皆|人 |然武 亦於其有具相十入當入南云 自正 | 將入| 時八| 忠汪|有唐| 隋為|人夫| 始四 不朝|考子|對公|七始|初肆|然人| 封品 阿止一之矣 越云 矣婚 已故以錢 國上 五於時當計國王中則在九新氏 大 公折 八恩如錢公以問王太隴舊唐 則衝 今命是夫命六桶以原事書功 已乃 自則不人諸州王隋两唐考臣 在統 飲歷|敢之|子所|十開|家公|之儿 一軍 及官膝前班興餘皇|方以|自朧 品所 杭皆斷容 環提 歲六 微善 其之 矣改 『腔不|也有|衞挈|亦年|不騎|父女| 九統 問當|諸夫|則八|不生|應射|在按 宫軍 在止一子人|王子|應至|涉常|陳九 绍正 往此名逸未歸未武十置時雕 守四

修陽歷馬此於以傳刺年事汪 知八和所 理人九宗山南王云史刺之台 者子所謂 門自 年相之所初邕吳史西符 中汪 門自 年和 是 國范大廟廟 中王 史部月起 萬東當以克傳歷記貌 而九 在员乙之處客駐打京工十稱 良外門曾今者兵原及耳負 東郎坐孫人今其處應選刺觀 使出事有呼人上奏後于史二相王卷 其郎 中為股事為別上間新南薛十 與之 吳刺 銀相 廟謂 故奉 棟阜 邕三 为幼 周史州望山之也刺字即遷年 次子 心尋刺為薛東山立按今于父 第豈 名歷史吏邕山起廟今廟 烏老 故錢 不蘇范部者所州然烏是聊請 至氏 九之 見湖傳傳清調之必即也東建 於皆正郎州南東於山中奉祠 熟出 三 史以|鄧典|汾阜|北山|之和|元堂| 當數 今政州選隆者而者 祠四和於 以抑 敏事順大人即極則相并三廳 待在

7本集而州也王守汪 尉必韋是褒年縣 郡子 垣逐 司弘 此台 常當諸 時額 三士 人成之唐空農郡符 侍控四秦詞年人 一好者復刺 潯公 記記 碑兼 王封 彦略 所汪 學昭立史陽者所唐記御以方逐云給德 【力宗石装公王稱末 史求极宣登也符 |耕天|人福|者則|僖所| 大|助拌|敏陴|圓藏| 號復石自雅行皇作 夫而禦觀將中其 河有二 歌池也密 歲時 感之祭匝和所 其事使於四補 才也屬召 密封 子行 陰盖 審星 年十 宋自班雅以准监密 相無満灰在將 齊始在既景南起有 也成而禦郡鄭 邱至 都修 福王 曹江 圆無 陳侮 明稹 忌此 儿廟 二而南淮 仕之晟頗年雨 而盖二又年公者其 使所逐勞改牒 · 稅年十當八則黃將 檢謂 睦於 元乃 之矣除崇月其 巢陶 校冥州蚤光光 江台年王 取子也雅 右應刺夜 啓啓 南符龍墓 銀渥准實 散者史當其元

欽 者或今色員有避志衆毛今 野灾 在 在 成不 德石神程 法保 甘所 史 有 不 成 考 日 類復 宗碾 力於 節鳥 將在 有 有 全 養 板 成 實 即 而載 甚 碾 長村 者 聊 軍王 從 傳書 訪欲之王祀矣加上安西 結為汪廟 祀 37 求傳文二之二龍以東福溪吳南有 消 质 先佐又人 異木 涓田 人將 將二 事其是天廟與事架橋寺唐賀軍武 老丰 於威郡班中王見秋石外神齊毛士 ,是靈太鐵有雖太設獸感策所甘介 州得守佛繪典平龜重於將破者而 之告, 好入宣世, 廣兹十金軍因, 歙兵 人命公唐城民記樂斤剛家此縣立 士於精所長間記一節神在置人於 及官意得史特所部獨己大新漢門 書府在官准以引曲徒而微都建首 老得民 安有 歌終 置生 村郡安土 王詩樓長切州略之節具事之人 實文王 史及圖無又及母見亂謂 董於必 云材經難能批當吳 幸之

次ピ四年合 道一斯為丞木從各 五事以發相不假致 年以 益明 内敢 胸所 九備信動動有之間 月採前復雨所亦既 朔撲說者汪動欲已 州考訊其公搖一詮 民告始款今獨出次 羅賴萌附致念音願 願疑芽月政王见於 述先又目尚歸而公 侯旁與書店卷原 詩訂王金大帙禮 語凡雄公節既開 也語誕皆自定知 季 故及戰有我方己 本王代翰先函之 之者先 墨侯於分 乾十後カ及攻竊

and the second	STATE OF THE STATE OF		AND TOPIC IN		mulita : zane		27219044.7	
	Ī							牟
新安志卷一								金安中五人三十
和	}							P
女								Æ
志	i			į				1
岩								12,0
72								ı
								3
	1			i				
				:				
				ļ				悉一
				, , ,				_
	i			i				
il i		j			İ			
	İ							
	!					1		
	į				İ	į		
		i						
		1					1	
	-							
	İ							
L		1						

猫虎則以為韓土之樂然則物産之所聚是良國也雖 教訓則上尊安故古公與其妻胥字味其董茶則以 周原之美而蹶父為其女相攸**覽其有川澤魴鱮熊羆** 生人之道致物以為養物備則養豊養豊則生足樂 欽定四庫全書 次已四年全 足樂則喜為善喜為善則重犯法重犯法則服教 新安志卷二 叙物産 新安志 宋 羅 願 撰 訓 服

粒微紅而米粒正白亦先熟古太守秋之任助去即唯 有桃花米二十石是也太平寰宇志云令休寧縣尤多 紅成熟最早然不廣種少時以接糧耳有桃花紅者穀 為大米具私有大白歸生小白歸生又有紅歸生米粒 者亦繋於其政 然有道益所謂穀與魚鼈不可勝食而材木不可勝用 新安之殼大率宜私而不甚宜杭土人謂私為小米稅 金为口下人 穀粟

文に日華上町 倍收故一名富不覺然不熟亦連昳皆死珠子稻顆圓 栗黄此二種有常不至齊有蘆黃遇熟則顆粒多往往 淮浙之間亦曰旱稻杭有大栗黄亦名硬稈栗黄有小 祥符五年詔遣使福建取三萬斛并出種法而布之江 熟米色不甚鮮明占禾本出於占城國其種宜旱大中 自植立也有早十日有中歸生又有晚歸生近八月社 筆之象有肥田政大率私不耐肥唯此種能於肥田中 為飯香軟又有冷水白有筆頭白稜端少許不生穀如 新安志

亦名五里香有馬頭紅殼粒紅而米白亦有香然稃厚 其長沒人樣地責皆藏葉中有斧腦白有亦芒稻並早 金罗巴尼西雪 有交秋糯七月熟米亦好酿之可以及社節然無叢前 糯有青稈羊脂白矮之名白矮釀之多得酒有牛蝨糯 米少有萬年陳其色如糯有沙田白有寒青寒青最遅 而易成偕號為六十日然不載茂人不多種有九里香 如珠鳥鬚稻芒正黑有婺州青具來自婺州有葉裏青 粒大難為地力價高於白糯有早歸生盡六月可熟 卷二

變為大炭麻又有六合麻圓而六稜凡菽苧菜草子皆 麥麩簿而麵多蕎麥姿在弱縣亦花白不類他麥秋種 麥亦呼高頭麥接之則粒出然難為地力有糯麥宜為 其粒亦而長故又名金欽糯有秧田稀善耐肥時之早 飯小麥則有長礦麥麩厚而麵少白麥麵白亦少亦殼 者亦可及社大麥則有早麥中期麥青光麥又有萬麗 、 う!! 而冬食火麻則有早晚中期三色又有梅麻梅雨後始 可拔其油麻則有白麻早成有赤殼麻或落地自生多 1.1. 斤安恕

| 致定匹庫全書 |董葉赤者無些又有赤稈白稈有望稅青有糯栗山中 税為飯栗則有早栗寒栗寒者晚也有毛栗成亦晚有 人以為酒則味溢而不清令人善酲有嬰子栗結房如 而長稿且者大英實雜上且也實或白或黑龍牙且者 視緑豆尤小宜為粉有紅斑沙豆大如緑豆羊角豆纖 小紫大黑小黑褐豆大青而黑者為豉極良有油緑豆 有膏油但可照灼至服食須麻膏豆有大白小白大紫 大如早英又有豌豆秋豆尾秋豆尾秋一名米豆可雜 65

麥小麥來雞也火麻黃也油麻胡麻也豆栽也栗梁 號蘆穄紅黃穄則低小格以古則私稅稻也孺稌也大 穤腴故穄粟之類借此以别之二穄皆長大如蘆故俱 黑穄者私穄也赤穄者穤穄也私孺本稻之名私瘠而 餅罌如鵤箭華艷好而實細美非他栗之類具終有 之名也祭稷也音之變也 古者米带稃皆謂之粟粱之栗尤小故後世直以為粱 j 蔬茄 1.4.5 新安志

如小蒜而長本草以為乳婦食之良蘭香羅勒也避石 中曰水片恭之大者曰胡蒜自西域來者也蓼蕎魚葷 **芥芥辛菜也葱量韭蒜葷菜也片生竹中曰竹片生水** 然則此不録至五穀又只載具總名而獨録草木之華 皆疏之同臭味者也首宿者漢離宫所殖其上常有兩 勒名世稱蘭香胡荽亦諱言胡故稱圓荽又有芸臺此 非為政之急疏之美者有石上之芥馬細者益辛薑蓼

一欽定四庫全書

选亞於穀故后稷能殖百穀百蔬而蔬不熟之歲為饉

卷二

旁半即蹲鴟預樂似諸益當以為貢唐世諱預至本朝 頗稜以所出之國為名胡蘆菔廿而不快於口蘆菔則 |葉丹紅結穟如穄率實一斗者春之為米五升亦有私 治平間復諱其上字今謂之山樂茭首者恭根是也菌 土人雜香菜以為葅百合似蒜而不葷鼠黏之根為牛 有孺私者唯以作飯須熟食之稍冷則堅凝穤者可搏 ノンロラ シャラー 之為物美而類甚多或能殺人亦使人善笑其最下者 以為餌土人謂之灰栗軍達頗稜唐世自外國來者也 新安志

笑味苦說文所謂江南食以降氣者也土人搏粉為 者澤蘭根也肥白而促節大如三眼蠶以冬掘取之亦 略如豆花香蒿所以點食為香也蘇所以煮飲為香 食也葛則饑歲搖取其粉蒸之以接糧枸杞詩之芑 曰地筍也蒟蒻者黄獨是也以灰鬻之歙人所用為丧 石耳生大山之崖山羊所不能緣也垂綆以取之地蠶 日麥熟菌所謂軟濕青紅者也木耳者古燕豆之芝也 以為色青緑而可喜恭莱其味甜也周花蔓生而

銀年四月全書

銀者 齊見黎厳皆物之旅生者貧者所資也黎赤並而多枝 胡瓜越瓜有崑崙之瓜崑崙瓜者茄之别名其色有如 所謂堇茶如飴者土人謂之灰雚故。蘇甘瓠也瓜有 而養苦故諺曰苦如意也蔓非以笔雉羹及馬蘭繁縷 決明明目至世則損矣苦費苦造也苦意花如葡萄甘 以為帚亦曰獨掃翟似首宿而青白陸德明以為堇

陽新安諸縣掌禹錫又以為香菜壽春及新安有之石 庶草之繁庶其施於樂餌者芝蘭芍藥兔絲昌羊昌羊 珠者薏苡馬援所載者也篇竹射干也蝦蟆衣者車前 此見於前載者也火扶稀簽也香附子者莎根是也幹 上生者並兼細而尤辛香用之益住彼人謂之石香薷 者大而白陶隱居以黄連出西間者色淺而虚不及東 與一馬陳藏器以為麥門冬出江寧者小而潤出新安 石生而細者為昌浦大觀中繪本草水所出之州七象

| 欽定四庫全書

至矣五葉皆白則農者益問至秋皆復青金嬰結實如 謂若之華也羊蹄秃菜也言采其當者也樟柳者當陸 葉挿門戸以禦厲土人謂之旁及其根為烏藥厄藍與 餅罌味甘澀霜後取之以熬糖又取甜藤以代飴菝葜 而青入夏則葉轉而為白田家候之每三葉白時農事 所謂莧陸夬夬者也三白之草土人為之五葉白始生 車前法改也蒼耳卷耳也陵霄緣高林絕壁而為華所 之根亦用藏見子亦曰金剛藤旁其先歲七日採其枝

欽定四庫全書 賣之於他郡厚朴之薄者或刮具皮以物者之為假桂 益於俗不足廣載黃精者生山之陰視其華之白以别 洛移植其後歲盛中與無洛花好事者於此取之然無 **此所以染也今西安之染者用象之茈菊種類尤多項** 鉤吻土人號為甜厳亦曰胡孫薑僊靈脾者淫羊藿是 歙人有王子發者為圖凡八十一種牡丹出於縣本自 也天仙之藤其子為馬兜五倍子大者如桃其中皆蟲 一名數檻桃桔梗之大而無心者為齊茂或用作假後 卷影 二安

瞿麥芫花白斂前胡及天門冬霹靂矢何首烏之屬 濯茜草蜀葵金星地錦律草夏枯懷香薄荷覆盆草島 萍艾苦參謹火忍冬萱草卷柏克麻草犀杜仲朔龍音 精五加細辛鶴雖百部通草木通玄參狼毒栝樓地松 **木則松梓槻柏檮榆槐檀赤白之楊歲縣為桴以下淛** A Driver Artific 河大抵松檆為尤多而其外則紙漆茶茗以為貨桑之 又有地黄茯苓五味此胡白芨黄蘖旋覆養簡木賊殼 新安志

圆柏極葉如根而子亦材理廳謂之極柏科櫚葉大 宜豔重堅而不彫實小於樣或甘或苦檜則土人謂之 柘葉如柿結實如楮而絕紅然能病蠶黃柘最少而最 類有花桑遇葉少時亦可以食蠶柘有青柘有柿柘柿 金定四月 在書 棟之實甘故為鳳所食冬青歲晏不彫所謂萬年枝 車輪槓豫章也樣則樂也石枘鋒而蒙密古之交讓也 相思山桂葉銳而可喜木堇以夏華桐首春而榮其別 相思似之嚴桂秋後作華四出而絕香山中人謂之小 4 如如

火已四車公替 ~ 赤照耀山谷道家用作既飯具色青故又謂之青精飯 堅以閏為厄椿樗白楊紫荆狗骨皆散木也楓散木也 碧梧也有乳者也柳與楊之類最多柜柳枝弱黃楊性 問之鄉人云桐材既乾復以其膏漬之則終古不壞梧 有三桐材輕利項歲有吳發貞觀中藏者具桐棺如故 非人家庭館所植南天竹也椒檻結穗霜後白如鹽而 之鳥臼可為燭而飲之人不取南燭叢生春晚苗葉紅 而有香深任防為太守調香二石始入三斗遽出教止 新安志

東者紫黑不類東具蒂核皮肉正柿之絕小者耳一名 者也夜夾賞者夜合也可以治繭即合數蠲忍者也總 酸醎椒欓茱萸所以去濕皁之為物荚經所謂宜皁物 白而下垂花如百合棗或脆而多津或大而理疎丁香 櫛石膚之屬以為炭穄以為艣枸以為鞍詹戒木髙華 小木之多刺而無枝者柳栗小木可用以為杖柞以為 栗則或毛或澤小者獨顆而圓狙公所賦等也樣花長 牛乳柿益古之榠也山棗似橄欖而圓剥之正白如淿

金分四月八三

卷二

九十二日日 白日 種大抵歙梨皆津而消其貿易傷蜂犯之則為瘕故土 **究陵槙櫃者苦木瓜而不戚者也香櫃甚小所謂榅** 敗室中酒味古以俱為婦贄令不復貴木瓜實小不及 字橋者名天下近城多楊梅南朝時太守所採任昉以 拱故一名曲枅一名木蜜一名堅枸木以其材為柱能 人率以柿油漬紙為囊就枝苞封之霜後始收今出丁 也常甘常也常有霜後黑而糜者曰青沙爛梨之類多 而實細枳根味在枝抄霜後絕甜一曲一直如枅之承 新安志

器几案則明潔而宜漆爾雅曰楊被按二物葉甚相類 一即之及柿之紅者以為酢桿似柿而青黑所謂烏桿之 冒險多物故而停絕銀杏葉如鴨蹠實外有皮山中 梅杏含桃來禽枇杷胡桃安石榴橙橘柚之屬大率山 山世以為上饒而漢志歙有玉山未知孰是其木為什 柿也本草圖經桿柿出宣歙荆襄閩廣諸州柿美而益 但檆聳而极垂极又有佳實此為不同耳其外則桃李 人桿又制丹石毒被之小而美者出於點古稱被出玉

金月四月五十十

卷二

雜母又四時有筍一名四季竹對青竹枝節皆金色唯 寒不宜橘柚種者築池中為交午之道列植其上水氣 筍鎮理而甘祁門時有猫頭竹 **篁筆之名老竹長尺則曲桃枝四寸有節慈竹叢生不** 竹之極大者也婺源苦竹之筍大者為花菌筍又有冬 四面薄之則不畏霜雪婺源則有金橘竹有苦淡紫斑 邊起枝處青碧大率金碧相煙可爱休寧有拜竹苦 7 1.1. 所安記

一欽定匹庫 全書 纔數寸日取草飼之又蓄鰱其中使相從以長鰱鱮也 往往有魚而不常得疏池以養者多鯉鯇與鯖鯉黄鯇 古之筋也鄉鮒也鳥鱧比他魚為熊古之鱧也以其與 矣其隨水所在而有者為騙為腳為烏鱧為鮎為鳜騙 黑而鯖青大率相類首春鬱魚苗者來自湖口界中買 **歙居山間無大陂澤其谿流清淺春夏潦水注之則深** 鯉音相近故以其色繫之也鮎古之鰋也具大而多鬚 大頭而細鱗魚之不美者也是數魚者不過終歲盈尺 Ņ

藏石鏬中徒手捫得之仙人當封子所食石桂也重唇 **以定四車全書** 極遠絕有力者鰄州南大潭中截溪為網大率鳊鯉鯈 令人善嘔土步鱗黑而肉白即土父也鯶魚鬣赤一去 也童魚亦以二月來小而為羣首如科斗古之童子魚 者曰鸌鳜巨口而細鱗其壮文采尤鮮明繫之溪中可 也白條白如銀即鯈魚也石斑青而揚亦夏月食其子 乗桃花水而上味極腴陸機所謂吹沙小魚蓋古之鯊 以致產北或以鮮明者為鱸鱖亦曰蘆花鱖大率盛夏

、新安志

有鱷魚略似鯢多纖骨黃尾魚如鱷而尾黃婺源謂之 隨之而出網不破往往悶絕此魚之豪橫耿介者也鱒 鱖色別為羣唯鰄為大將其羣以先欲觸網破則羣魚 鱗而甚腴掌禹錫云鰻飃五色者出飲州舊經又有 搦之有聲亦名黃額鰻長如蚊伏深泥中負黑抱白無 黃姑魚鮹伏泥中魁黃質黑章黃飢無飢也色黃無鱗 赤目多獨行或二三相從見網輕過鮰魚味美而不常 不知何魚也谿中小魚凡五六十種鱖有三竹管 檻

自りし

6

钦定四庫全書 人 旁以食餘不可勝載其外骨則龜鼈螺蚌倮蟲則蛙 寄具腹中或一或二大者如負盤小者如鼠婦穴具髯 鮹上脣如鷹味長者尺有五寸古僂儸魚色黑斑有蟲 其大如指師官魚亦如指大有長鬚四五略如無亂沙 鉤子魚黄公魚皆以春三月團聚而上梭子魚首尾銳 長而織者有頭大而促者有極小如指者名各不同石 鲫長而尾紅旁皮魚似石鰤而尾青石活魚常在石中 圓蘆花鱖長大板鱖似鄉乃石縣也無飢亦有三有 新安志

鵓鴣者鶏雄也斑鳩最拙古之頒鵳也青鳩色蒼緑 羽 物則暈雉五色黃鳥製而黃鶇公布穀也食麥即去 羽 族 超二

逢春則聲圓美而可喜至夏不復鳴故詩曰懷我好音 多蓄之 寫小而善關點嘲能為聲科歸候歲而先鳴鶏

鷄以五六月終夜號田中竹雞如鷓鴣天脟雨則

為

泥滑滑之聲蠹蝝聞之則化而為水白鷳大如雞白質

とこりられたかり 鵐 皆雉之類鷹鶏善搏啄木善啄属戴勝也頭有華勝故 **頰鳴將旦體雖小鷹與烏不能敵也其尾如七一名青** 黑章具稱純黑南越尉佗所獻也耿介不可馴古稱黃 水旁人以其聲為喜也烏大而反哺慈烏小而多聲鵯 尾輕翹而好為聲要為鵲之類水鵲甚似鵲而小好在 山之馴者伏以家雞山雞文米似白鷴而小綠雞色緑 以降于桑為蠶事之候山鵲色蒼緑味足皆亦特其首 一名鵐白燕雀伏翼棲集人家者也胡燕大而越燕 新安志 古

一紫其巢亦異百舌反舌也別別一名花為能為聲其在 林宿而水食具聲澌而不揚令人惡聞者名曰賣瓦鳴 翼白其鳴自呼好在田中又有鳥大小如鸌黑而長喙 點者脊令行則自摇其點也喚姑大如鳩黑色長尾唯 **到好四月全建** 兩翅亦而不鮮其音吸吸淘河者鵯淘去河水而取 上以兩爪搦魚挽就水次啄食之小鮮則街以飛鸌 也鸕鵜約頭以環使沒水取魚為人用者也魚鷹翔水 瓦中色蒼者為點為婆餅焦者巧婦具巢如刺戰也 卷二 摇 鱼、 兩

とこう時に とはず 又有紅鵲鷓鴣山鸚鵡同力自困以下凡六物祥符經 志曰翎下有青紅相應如垂綬具狀如蜀雞背若朱蛇 班 河島一名 楚雞 尤爱其羽中贈弋則守死不動郡國 稍大而微赤青菜言菜色也困子似山雞而小無尾鎮 取其聲以候陰晴白練小雀尾如曳練也山雀如家雀 似畫也在水曰水畫在籬塹中者曰塹畫小者石畫亦 則當晴鷺之類而翼下紅者曰紅鶴翠碧鸂鵡鷯龍皆 水鳥也俗之言駕去鵝者鸛也白頭翁者頭白畫麇眉 新安志 <u>†</u>

所書 房其皮可以治練山羊角細而騘色能趙峻險大山乃 如簪長五六寸能激以射人蝟似鼠而毛勁縮之如栗 傷人冬伏於深谷聚籜之下獵者矛籍之號槍鬆豕豪 熊庫小似豬者為豬熊野豕有奇牙大者數百斤類能 白熊以獻皆見於史土人以熊之髙大而似馬者為馬 吳亦烏中新都言白虎見宋元嘉中太守到元度又得 多定四月全書 獸類 卷二

欽定四庫全書 别名曰白額亦曰玉面貍也竹狗似之而臊雜脈體促 者有豹文者牛尾狸的顏而大尾蟄則不食抵掌而肥 麝而尤多磨兔狐沐猴之屬磨之騘色者麇其大如磨 有之豺似黄狗而長數十為羣好竊羊以食狸有猫斑 也鼠之豐尾者曰栗鼠亦曰松狗漢侍中所珥貂也題 而黑者俗謂之郭舊經有獐援則未知二者之果有否 而巨鱗其光如鯉能陸能水可以已蟻螻山中時有鹿 可三四斤顏亦白獺之小者土人謂之抓鮪鯪鯉四足 卷二志

自績溪以往牛羊之牧不收歙之南境羊畫夜山谷中 者五技之見大而有翼飛且乳夜呼為怪祥者也鼠狼 小而垂胡色雜駁不正黃土之所產亦有從江西來者 子也水牛色蒼而多力其角如環古所謂具牛也黃牛 其畜擾有蜀馬亦頗有驢騾馲馲之屬馲馲者馬父驢 不畏露草豚買於宛陵界中中家以上歲别飼大豕至 似鼠而要脊長善捕鼠亦以媒鳥雀 畜擾

雞也烏雞冠珥皆青肉色如墨時或有之號能已病 **芥為民之珍其餘則雞犬鵝鶩雞高而善關者所謂會** 舊稱飲有金與銀而今無有以國朝會要考之出金之 欽定四庫全書 之品又有不及號者是為片茶八種其散茶號名茶而 於右方而茶則有勝金嫩桑僊芝來泉先春運合華英 州十出銀之州四十有二歙無預馬良木之産則已見 二三百斤歲終以祭事謂之年風而方與記以火內石 貨賄 卷新二志 ナと

紙亦有麥光白滑水翼凝霜之目今銀縣績溪界中有 之黃山肇於唐末李超廷珪父子自南唐以來貴之物 住研出於婺源之龍尾山肇於唐開元葉氏墨出於飲 中磔磔有聲其勤至矣歲早則益少天時雨汁則又不 為也其歲晏敵水為之者益堅靭而佳漆則諸邑皆有 清徹見底利以温楮故紙之成振之似玉雪者水色所 地名龍鬚者紙出其間故世號龍鬚紙大抵新安之水 之山民夜刺漆插竹筧其中凌晓涓滴取之用七刮筒

英陶隱居云今醫家用新安所出極細長白澈者壽陽 ノーンフラー こかす 為楊行密諱謂蜜為蜂糖云蠟本出武都山谷蜜房木 梁沈約彈飲令仲文秀横訂吏黃法先輸六尺笙四十 八公山多大者不止用之僊方大小並有用惟須精細 石之間掌禹錫以為宣飲唐節伊洛問尤多又有白石 領笙即單也又有楓香及蜜刺史任盼垂而不取土人 有盛衰工有良苦不能如其舊草出於休寧所從來久 新安志

| 郵好匹牌全書 澤山水暴出則糞壞與禾蕩然一空益地之勤民力者 旋其間刀耕而火種之十日不雨則印天而呼一遇 問者層累而上指十數級不能為一畝快步別耜不得 都鄙則又可知也大山之所落深谷之所窮民之田其 新安為郡在萬山間其地險隱而不夷其土騂剛而不 化水湍悍少潴蓄自其郡邑固巳践山為城至於四郊 此宣饒之田彌望數百畝民相與稅餘之歲總 叙貢賦 N. 卷: 雨

, J. 10 1. 1. 1. 1. 廣上恩不牽更議良有司能之時之利害故備論其事 惠其人者將無所愛要以盡去百年之積弊夫達民瘦 以為言今天子愍之數下思詔收退絹省雜錢凡可以 於唐末偽刺史陶雅之所增異時去京師遠有司未及 跣膝行其中温深泥抵隆日蚊蠅之所撲縁蟲蛭之所 其力歙之人去以三四方夏五六月田水如湯父子袒 時雨既至禾稈相依以長而其人亦終歲飽食不待究 攻毒雖數苦有不得避其生勤矣而租挈又重益特起 所安忘

一致定四库 全書 絹四尺三寸綿四錢五分麥一升二合秋苗則朱二斗 新安三壤之則歙休寧祁門績溪點上田園每畝稅錢 五十五鹽錢十二脚錢十二此三色雜錢者又折變為 二百為夏稅紬四寸絹一尺三寸布一尺綿三錢見錢 二升耗米四升四合鹽錢十二義倉二升二合中田園 税則

每畝稅錢百五十為夏稅紬三寸絹一尺二寸五分布

五寸綿二錢見錢四十三文七分五釐鹽錢九文腳錢

欽定四庫全書 絹一尺五寸布二寸五分綿一錢見錢二十七文七分 五釐鹽錢六文脚錢六文三色雜錢又折變為絹二尺 八文三色雜錢又折變為絹三尺四寸綿三錢麥九合 一升九合下田園稅錢每畝百文為夏稅紬一寸二分 秋苗則米一斗七升七合耗三升五合鹽錢九文義倉 石者田主之收什六七夏秋之稅度用錢二千八百自 二升七合鹽錢六文義倉一升三合大率上田産米二 二寸綿一錢五分麥六合秋苗則米一斗三升三合耗 卷新 安志

楊州久留不遣雅懼求歸郡斂羨餘以獻會左右亦為 雅代之及田題以宣州背行密行密破題併收其家題 之請且曰歙州地陸而人富前日表樞一書生守之而 客里人以羣盗起合肥同功一體之人也行密召雅至 私書往來今置不問而戮一老婦人何益顋與雅皆行 母辭曰門外之事妾未當與知也但聞歙州陶四常 餘中田下田以次率之此其大凡也先是唐行兩稅法 至昭宗景福中楊行密逐唐刺史裴樞而使其偽脟陶

欽定四庫全書 考之雅以景福二年來守時錢緣以杭睦扼其南鍾傳 於其間不為吾用二鄙窺何而因循之守非計之得者 諸將不能下今南鄰錢鏐西備鍾傳又順義軍汪武介 崇寧中鄉貢進士俞師覺上宰相之書以唐五代諸書 也行客亦悟雅始得還且欲實前言以固寵因增稅以 宿將獨以一州之力為之外蔽四封有警輒提其兵以 取之於是此州之賦遂重天下矣此見於故老所傳與 以饒州當其西汪武割婺源為順義軍鯁其側雅楊氏 卷新 二 志

宣饒池諸縣壤土相接者較之太平之接於歙縣者其 至一斗有半浮梁之接祁門者稅錢自二十四至十四 足以充軍此其勢必至於增賦不特為羨餘而已令以 史唐寶棄城走在郡二十餘年兵革數動舊賦之入不 為鏐所有既又襲饒信信州刺史危仔倡請降饒州刺 刺史沈夏又因陳詢不能守睦州取之已而諸州皆復 出益常西伐鍾傳執汪武南救睦州虜錢鎰攻婺州執 田亦三等稅錢自十二至九文苗米自一斗三升九合

唯婺源稅則稍異或言婺源以汪武所據故陶雅不得 之接休寧者稅錢自七文至四文八分米自四升四合 至三升石埭之接點者稅錢自十二至八文米自一斗 苗米自五升五合至三升三合旌德之接績溪者稅錢 有所增然雅以天復三年縛武於軍則是婺源終屬於 自六十至四十米自一斗八升八合至一斗四升開化 合八龠加以雜錢二十四文展轉折變之者為不侔矣 こうしこトラ 升七合至六升五合其與稅錢二百苗米二斗麥八 所安志 Ī

前為百五十一萬六千三百畝半經界為三百萬餘畝 雅矣雅在郡甚久勢不容獨有所略今以婺源稅則考 尤賤故有田者亦不能多取贏馬凡六縣田産未經界 具輕於婺源亦數倍是雅已當有所增矣又此縣米價 屬樂平建節鄉稅錢自十三至九文米自三升八合至 四升下田三十八米三升八合較之鄰境樂平鄱陽之 之上田稅錢每畝四十二苗米四升二合中田四十米 二升八合鄱陽稅錢自十文至七文米自四升至二升 卷二

欽定匹庫全書

|今為二百九十一萬九千五百五十三畝有竒稅錢十 雜錢凡三色皆起於五代割據時稱鹽錢者官據口給 因以舊所得之數紐為正稅但輸之及國家削平僭亂 及南唐之末淮南産鹽之郡為周世宗所下無以給民 之直於官稱脚錢者每貫出錢五十以備解發至廣陵 食鹽而敛具直稱麴錢者給民麴使得釀酒而歸其麴 一萬一千七百八貫二百三十九文 雜錢 1.17 所安む

每匹不過數兩故網折錢七百七十紬折錢七百三十 麥之外有折錢麥其多寡歲歲不同然舊制郡納紬絹 輸銭從而折變之故於稅絹之外有折錢絹稅紬之外 鹽錢脚錢見錢凡為錢五萬緣有奇其後有司不直令 有折錢紬稅綿之外有折錢綿苗米之外有折錢米苗 五十總名曰雜錢别而言之則曰鹽錢麴錢脚錢亦曰 酒酤在官不復給麴而轉輸之費出於公上有司因循 失於申請每稅錢一貫者輒存此三色為錢三貫九百 N.

欽定匹库全書

之數天子以為然事下户部户部按律非法擅賦飲及 萬獨并額外科往建康府網五千匹歸大農補還減半 上乾道六年郊侯任滿賜對乞將雜錢所折之絹減半 而拘江東漕司歲所取本州寬則絹六千匹折射錢三 郎章侯為時相力言民病請因蠲減重賦不見聽至今 猶為相近自項物帛益好價直益高而所折之直猶 如 具故大率數倍於五萬緡之數紹與中推行經界尚書 ,布折錢三百五十綿每兩正耗折錢六十二文五分

大つ、りましたま

新安志

金万口万人言 約束而令江東諸司公共相度閱再期不報前江東安 科買折納而反覆折紐或別納銭物者具其科條行下 撫司主管機宜文字章謙言於朝以為安撫司已相度 **乞減雜錢之半而拘漕司建康府網各半折斛錢三之** 吏不欲也願嚴立限趣令申上八年五月十一日朝旨 今未申部者由比年更强官弱帥守監司雖欲奉承而 一還戶部可以補還雜錢減半之數且牒諸司矣而至 下諸司期以半月諸司即用此議上而戸部又請將折 卷二

等五縣請故雜錢只三萬七千餘緣然合婺源計之實 部於沙田蘆場錢內撥還而郡以好侯初指為飲休寧 錢萬五千貫建康府絹二千五百匹亦與放免却令戶 盡數蠲免以寬民力具本州認發漕司絹三千匹折斛 擾務要恩惠及民是日又有吉將微州減免不盡雜錢 シスプラニン シュー **斛錢亦減其半大約通計減錢二萬一千六百餘貫乞** 臣取見均減雜錢等名額實數督責守令不得依前科 紐充減落雜錢之數七月二十五日奏天子可之委漕 所安む

雜錢之例下郡椿發如其故 一多好四月 全書 如具數免一萬二千一百八十餘緣而有司以為轉 五萬四千餘稱今 折斛錢三萬絡建康府絹五千匹者皆秋苗科折 為數目不同乃繼委部使者數實於是以鹽脚錢 而漕司又以折斛錢三萬緡通雜錢五萬緣合為 **我物帛** 一百八十餘緣為雜錢具見錢四萬緣非也詔 切蠲免則郡計所失多乃審於戶 卷二

次定四車全書 一 大數也本朝翰林學士沈括稱國初蠲正五代方鎮割 科敷每貫納布三尺六寸有竒隨夏稅輸之此物帛之 七斤半其後亦以無鹽直令輸納今自稅錢五貫以上 夏稅紬二千九百九十六匹一尺八寸七分絹三萬四 一百五十匹亦楊氏時歲於民間以鹽博之每匹給鹽 五分而雜錢所折納網綿不在此數又有軍衫布三千 三兩四錢一分布五千六百八十五匹二丈四尺八寸 百一十三匹五尺四寸七分綿二十萬八千八百三十 、新安志

務不得退剥每匹折錢七百三十一文元豐二年四月 當時之意此括之所載於其書可考者也至具後亦不 據稅外多取之弊具有輕重未均處稍隨事均之福飲 能盡如國初數兩之制然令甲江東一路稅絹俱重十 州輸官之絹只重數兩後人往往疑淅絹太重益不見 **税額太重故福州纔令以錢二百五十折納絹一匹象** 二兩獨歙州以咸平二年特青只以十兩為定并下庫 日勃將歙州預買絹錢每匹作九百五十文至

如未給散人户却解赴左藏庫交納或已給散即依所 乞權折錢一次而以守臣為擾鑴秩罷之故其謫詞曰 頭子朱墨等錢買輕齊解赴左爷天子愍之詔婺源絹 見卻時守臣乞以所退每匹折省錢三干於其中豁除 納絹成差大户自縣起發徑赴左都乾道三年以疎怯 不念繭絲之闕靡思杼柚之空然則聖意孝孝於飲民 運司則每匹納一貫八百足益大率如此而婺源所納 紹與十八年户部符每匹估時價錢二貫足而江東轉 久足四事全事 一 新安志

產絹去處買納豈不重擾欲望降古禁戢州縣不得矯 年例屑絲者責其細絲如此非一遂使攬戸怨求常歲 匹四千者增為六千猶不能中或高價折錢分遣人於 其已甚不務過求而諸處受納監官望風懼罪縱吏邀 州建昌軍不中物帛然皆有繼恩詔仰見聖意止欲戒 阻如十二兩者至更求十三兩止産黄絲者求其白絲 枉過正及於常數外邀取詔復從之 可知矣是月又奏以為近者户部退剥徽絹又契勘衣

多好中人人

九色矣 **以定四庫全書** 後第五等戶又認納雜錢名為四色其實稅紬稅絹正 第四等以下小户所產故鄰郡往往等第分納之而新 綿正麥錢紬錢絹錢綿銭麥而麥一斗者久有義麥凡 安不計等第每戶夏稅凡納十三色至乾道四五年以 五升六合或議以為紬絹者上三等所有而布與麥者 小麥有稅錢及百文者輸五穀凡六千三十三石一斗 新安志

是也就既不多有故下戶有折解錢自苗米一石以下 **禽熟米九石九斗七升郡大率土壤薄不宜於杭故梁** 秋稅粮米合六縣為十五萬九十四百八十一石六斗 每斗折納見錢五十六文足貧民以為便自頃軍食日 任昉為新安太守去郡唯有桃花米二十石今紅蝦私 多乃增就附近三縣取米則三縣下戶得納錢者益少 升七合租課粮米一千四十六石九斗八升九合五 秋稅糙未

之屬 今自一斗九升以上皆輸米又有孺豆草錢紬米絹米 折帛錢

一貫六百文先是州稅網每匹為稅錢七百三十 一而預 二十七兩每两折省錢三百凡為錢二十五萬六百一 千七百九十六匹每匹各折省錢六千綿萬七千二百

上供折帛錢凡紬一萬六千一百九匹三丈絹二萬四

買以元豐二年勅每匹作九百五十文逮折帛初行以

钦定四車全書 斯安志

徽州係五季重稅去處咸平著令他州絹以十二兩為 定價故每匹估價錢六千而銀則每兩為價三千三百 除重稅也折帛之行以兩浙上色所估而責徽州下色 至紹興十八年江東西路例作六千其後雨浙路亦然 亦同其直失先朝補恤之意然議者方主言郡吏折銀 兩浙上色紬絹為估每匹八千而微則減二千為六千 而徽遂不復請乾道五年議臣奏曰折帛之起以浙絹 分りで 而飲州但責十两而已從來名為下色紬絹所以補 卷二

唐六典州貢白苧布太府卿以布之方土精廳為九等 虧直聖上令部使者約束而折帛之價未有申論者 進貢

處貢物而飲所貢七物在其數中且的官吏後不得以 **臘牙茶細布景德四年閏五月詔特減放諸郡六十六**

又有紙及黃連國朝貢表紙麥光白滑水翼紙乾預樂

而叙之苧在第七通典貢苧十五端竹簟一合新唐書

土貢為名妄有配率熙寧中貢白滑紙千張大龍鳳墨

久已日華 AB

新安志

金分巴尼白電 十匹其天中節進奉有銀網五百匹兩 揚州中與併送行在所其非上供應副本路及他路者 八匹八尺四寸絹萬三干一十匹一丈二尺六寸舊至 六兩七錢絲二百兩分四網起發又有淮衣網紬四十 上供紬歳四千五百九十八匹一丈六尺八寸絹八萬 十斤元豊中貢白学十匹紙如熙寧而無墨今貢白学 三十三百七十七匹九尺九寸綿十萬二千二百二十 上供物帛 卷二

網各千三百三十匹綿各二千二百七十五兩處州紬 請益自紹與十四年四月江東轉運司始報兩浙運司 萬五千兩又別應副衢州嚴州紬各一百五十七匹半 次足四車全售 一 百七十五匹絹九百八十匹綿三千五百兩婺州紬七 以應副四州之數不知始於何年 十匹絹干九百六十匹綿千五百兩四州歲各遣吏來 浙轉運司紬千四百匹絹萬六千四十九匹有奇綿六 建康府絹五千匹即前所奏免今復起發者也又有兩 新安志 丰

者常樣降樣大抄京運三抄京運小抄自三抄以下折 上供七色紙歲百四十四萬八千六百三十二張七色 金岁四月月月 上供紙

買奏紙是為七外有年額折錢紙用以折買大抄皆以 上下限起發赴左藏庫又有學士院紙右漕紙鹽鈔茶 引紙之屬不在其數中始大中祥符四年六月上以象

若奏本院諸房所請歙州表紙自元年後置歷拘管令

州歲供大紙數多頗勞民思有以寬之知樞客院王欽

貫二百八十三文而不别每務所入之數今在城一務 火足四年上等 一 務酒麴歲二萬九千八百七貫熙寧十年祖額二萬 支使外剩十一萬八千三百張望下三司住支一年及 於本州減造從之又遣中使就院宣諭副都承音張質 **千六百十四贯五百五十四文買撲一千八百六十三** 酒課按國朝會要舊在城及休寧祁門婺源績溪點六 巳下於太平興國寺賜御宴令供數不知何年所定 新安志 Ī

七文增添三分錢七千二百三十九貫五百五十一文 課利錢五千一百八十七貫二百三十文隨界二分錢 三年各課官錢淨利錢三萬六千七百六十九貫二百 酒課用紹與二十年所收為額計三萬八百二十八貫 稅課按會要舊在城及休寧祁門婺源 一百八十七文巖寺鎮酒課并六縣坊場五十三所其 百七十貫七十二文

金グロノノニ

計六千一百一十貫八十七文河渡合氣縣婺源凡三 萬三千五百三十七貫熈寧十年在城一萬三千二百 處每界三年計淨利錢二百四貫二百九十一文 五十八貫一百二十文今以紹與二十二年所收為額 茶課

大足四年 上世

新安志

圭

稅國家異時六權貨務其在真州者受洪宣氣撫十五

四斤其片茶有華英先春來泉而散茶有茗茶並以折

州舊買茶以熈寧十年為額歲買六萬一千二百六十

京及推務入納見錢等請真州務賣飲茶勝金為錢五 二十七逮宣和改茶法招誘商販而不復科買人以為 三十八來泉四百六十二先春四百八十八像芝五百 百四十三娥桑五百八十八華英五百二十運合五百 十三州之茶為額四十三萬有奇用以給商人今於在 州之茶為額五十一萬有奇在無為軍者受洪宣欽饒 三十不及號四百四十六無為軍務賣先春四百七十 來泉嫩桑並四百六十二而州自賣折稅若茶每斤

文体寧九千七百五十七貫六百二十文績溪二千 舊鹽額熈寧十年在城二萬七百九十貫二百五十七 省以上者每貫敷錢五十 錢干八百七十四貫文均在本州今民户自稅錢二貫 百九十四貫一百一十文縣縣五千九百五十四貫七 便歲額二百萬有奇茶租錢者起於嘉祐中宣州以此 鹽課

百二十文祁門八千八百九十九貫三百八十五文婺

といり時人は時

新安志

國朝典故三京及諸道州府軍監公用錢舊皆有常 中三司建議以欽接近兩浙界令就般請兩浙鹽每斤 **無乃故鹽場地或言飲所以輸雨浙運司絹者以鹽故** 為錢五十自宣和末變法歲遣衙校往請之今郡學廊 源萬三千七百七十七貫七百三十五文自太平與國 其官髙及曾任中書樞客院者臨時取旨加給並準宣 也鹽法既變不復般請令招誘亦歲二百萬有奇 公用

金 好四月 有電

卷二

數中 者納州庫若大兩省横行使以上充此差遣有添賜錢 久己の事心事 以下六府曹鄆以下六十六州月各給一石歙州在其 數皆係特肯熙寧中特增近其額而分四季支內歙州 定支計月均給知州通判或職官上歷支歲終支不盡 八百貫具公用酒太平興國六年九月定制河南應天 新安志 蓋

金分四月百里 新安志卷二